

金籙祈壽早朝儀

法事如式

各禮師 存念如法

請宣神咒

元上青精 九炁太靈 神光遐散 流映東青

華景鬱勃 灌我身形 宮府安鎮 寶魂自生

洞達八朗 飛升玉庭

鳴法鼓二十四通

無上三天玄元始三炁太上老君 召出臣身中三五功曹 左右官使者

左右捧香驛龍騎吏 侍香金童 傳言散花玉女 五帝直符直日香

官 各三十六人出 出者 嚴裝顯服 冠帶垂纓 關啟玄壇土地

方域神真 臣今早朝 陞壇行道 朝謁帝真 欽奉 其諸丹悃具載

緘謄 願得

太上至真道炁靈寶瑞光 下降流入臣等身中 令臣所啟之誠 速達

徑御

至真無極大道

金籙祈壽早朝儀

清微藏書閣

三清上聖

昊天至尊金闕玉皇上帝 御前

請稱法位

具位臣 某與臨壇官眾等 謹同誠上啟

虛無自然至真無極大道玉清聖境大羅元始天尊

太上道君

太上老君

昊天至尊玉皇上帝

紫微上宮天皇帝

紫微中宮北極大帝

后土皇地祇

玄都萬壽天尊

太平護國天尊

福生無量天尊

玄都玉京七寶層臺紫微上宮靈寶至真諸君丈人

金闕諸天彌羅聖眾

上相上宰  
上保上傅  
少保少傅  
四師五帝  
十二仙卿  
三十六部尊經  
玄中大法師  
三天大法師  
日月星宮斗府  
周天宿度河漢星真南極老人  
福祿壽星真君  
皇帝本命星君  
帝座照臨星宰  
三界內外應感一切真靈  
臣聞 元始開圖 六合煥真風之妙化 虛皇御運 八圖流慧日  
之祥光 上燮理於天元 下裁成於地紀 聖神立極 敷大道於混沌

## 金錄 祈壽 早朝儀

清微藏書閣

之初 民庶安居 沐至化於鴻濛之後 主張橐籥 典領權衡 臣等  
抗志玄關 潛心道域 卑棲塵棘 莫觀妙於黃房 高蹈煙林 徒凝  
玄於紫戶 誓立功而承宣化 期領教以致脩真 凡有請祈 敢忘關  
告 以今欽承上命 爰謹祝釐 電繞斗樞 誕軒轅帝之瑞慶 星輝  
華渚 肇金天氏之禎祥 有開必先 咸符嘉應 光膺寶曆 允協昌  
期 欽逢震夙之辰 祇建鴻禧之會 環拱同尊於北極 崇高永比於  
南山 曆頒正朔 以同文運啟皇明之一統 萬方依賴 天下太平  
敬伸請命於玄穹 庸致歸恩於皇極 醮陳金籙 經閱琅函 霓旌  
靄以來臨 羽葆葳蕤而下降 華封三祝 鈞樂九成 以今早朝 陛  
壇行道 請法眾等 運茲初捻上香 願此香煙騰空 徑上供養  
至真無上道寶大羅元始天尊  
金闕至尊玉皇上帝  
無上大羅至真眾聖

臣等皈身皈神皈命 首體投地 仰依  
太上三尊十方眾聖

願以是香功德 上祝皇帝陛下 恭願 道合羲軒 功高湯武

百川宗海 闢浩渺之福源 六龍御天 啟穹窿之壽祉 萬邦仰芘  
四海永清 今故燒香 自皈依  
師尊大聖眾 至真之德

得道之後 保天長存 和與道合真

大明生東 小心事上 祭光華而駕景 極遐邇以乘晨 以今早朝  
陞壇行道 請法眾等 運茲二捻上香 願此香煙騰空 徑上供養

至真無上經寶玉宸靈寶天尊

紫微天皇大帝

禹餘天宮真仙聖眾

臣等皈身皈神皈命

太上三尊十方眾聖

願以是香功德 上祝皇帝陛下 恭願四時順序 萬國咸寧 修至

道 修至德 修至仁 倍增景福 混元神 混元精 混元氣 永保

長生 齊同慈愛之心 欣樂太平之象 今故燒香 自皈依

師尊大聖眾 至真之德

得道之後 永保長生 和與道合真

## 金錄祈壽早朝儀

清微藏書閣

皇天無親 惟德是輔 信天道之有常 上帝好生 作善降祥 見

帝心之簡在 陽景開光於壽域 晨輝燭煥於朝班 以今早朝 陞壇

行道 請法眾等 運茲三捻上香 願此香煙騰空 徑上供養

至真無上師寶 五靈玄老天尊

紫微北極大帝

后土皇地祇

大赤天宮無鞅聖眾

臣等皈身皈神皈命 首體投地 仰依

太上三尊十方眾聖

願以是香功德 上祝皇帝陛下 伏願 旦氣清明 聖躬康泰

乾坤合德 廣揚化育之仁風 海嶽效靈 咸贊雍熙之至治 慶雲煥

彩 甘露凝祥 今故燒香 自皈依

師尊大聖眾至真之德

得道之後 保天長存 和與道合真

禮方

懺悔

步虛

三啟

三禮

重稱法位

具位臣姓某謹重誠上啟

三境至尊

十華上聖

玉京金闕天帝天真

日月星斗群真

十方師尊聖眾

三界官屬一切真靈

恭望洪慈俯垂昭鑒

臣聞八千歲為春秋

咸仰靈椿之永壽

九五福齊天地再陳洪範之嘉言

仰瞻皇極之尊

莫罄華封之祝

臣等欽逢聖旦

恭奉綸音

教演沖科

儼對威顏之只尺

福資景

運

用殫忠悃於再三

天聽匪遙

玄功莫測

願回肸鬻

普賜鑒觀

寶曆增輝春

藹九重之喜氣

金枝衍慶

雷同萬國之歡聲

歲有

# 金錄祈壽早朝儀

清微藏書閣

豐登物無疵癘邊域干戈而永戢郊畿麟鳳以翱翔海晏河清

風調雨順則上明天尊大慈之化下副臣等皈命之誠謹啟以聞

十二願

存神燒香

香官使者左右龍虎君侍香諸靈官當令臣向來早朝陞壇行道

之所自然生金液丹碧芝英百靈眾真交會在此香火鑪前

當願聖鑒昭回丹誠感格十方仙童玉女接待蘭煙傳臣向來所

奏之誠速達徑御

至真無極大道

三清上聖

昊天至尊金闕玉皇上帝御前

出堂頌回向

金錄祈壽早朝儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校